

Riječ autora

Izborni zakon Bosne i Hercegovine usvojila je Parlamentarna skupština Bosne i Hercegovine na sjednici Predstavničkog doma od 21. avgusta 2001. i sjednici Doma naroda od 23. avgusta 2001. godine, a objavljen je u "Službenom glasniku Bosne i Hercegovine", broj 23/01. od 19. septembra 2001. i stupio na snagu 27. septembra 2001. godine.

Visoki predstavnik za Bosnu i Hercegovinu je, cijeneći neophodnim i cjelishodnim da je potrebno izmijeniti i dopuniti usvojeni Izborni zakon Bosne i Hercegovine, te ga učiniti jasnijim i u praksi lakše provodljivim i primjenjivim, vodeći posebno računa o svojim ovlašćenjima i odgovornostima u primjeni i provođenju Opšteg okvirnog sporazuma za mir u Bosni i Hercegovini, donio je 26. marta 2002. godine Odluku kojom je dopunio član 18.9. Izbornog zakona Bosne i Hercegovine.

Donesena Odluka (broj 139/02. od 26. marta 2002) objavljena je u "Službenom glasniku Bosne i Hercegovine", broj 7/02. od 10. aprila 2002. godine i odmah je stupila na snagu.

Cijeneći neophodnim da se proceduralne radnje konkretnijeg i jasnijeg regulisanja pojedinih pitanja, posebno izbornih radnji i postupaka (koji uveliko utiču na moral i raspoloženje građana Bosne i Hercegovine) moraju brže i efikasnije provoditi u funkciji implementacije dejtonskih dokumenata, visoki predstavnik za Bosnu i Hercegovinu, imajući u vidu sporost u rješavanju određenih pitanja (posebno izbornih radnji) i donošenje propisa na svim nivoima organa vlasti u Bosni i Hercegovini, donio je Odluku (broj 148/02. od 18. aprila 2002) o izmjenama i dopunama Izbornog zakona Bosne i Hercegovine, kojom je u članu 1.14. dodat stav 3.